

Europaerien goerehtamme guktie Sveerje raamekånvensjovnine barkeme unnebelåhkoegielide vaarjelidh

Europaerien rääresjimmie moenehtse guktie raamekånvensjovnine barkedh unnebelåhkoegielide vaarjelidh Sveerjem goerehtamme guktie dah raamekånvensjovnine barkeme jih tjaalegisnie mietsken 25 b:n 2002 dam tjilkeme. Europaerien ministeremoenehtse dan männgan goeven 10 b:n 2003 dam nånnoestimmiem dååhkasjehteme sjiere minngiraajesinie jih naemhtie rääresjidh.

Seamma goh tjilkemh 24 jih 26 raamekånvensjovnesne guktie naasjovne unnebelåhko

Vuertasjimmie resolujsjovneste (97) skiereden 17 b:n 1997 sisveginie njolkedassh mejtie ministereraerie dååhkasjamme gukte goerehtamme tjilkemh 24-26 raamekånvensjovnesne,

Vuertasjimmie gieledåhkkoste mam nånnoestin resolujsjovnesne (97) 10¹

Vuertasjimmie nånnoestimmiedirregistie mejtie Sveerje goevten 9 b:n 2000 utniji,

Åssjalommine sveerjen reerenasse altese staate tjilkemem buektehtieh dan voestes barkoen bijre gosse vaaksjeme raamekånvensjovnem ruffien 5 b:n 2001,

Rääresjimmie moenehtse dååhkasjehti gosse sveerjen reerenasse deelegasjovnem bööri vielie saarnieh Sveerjeste tjööngkedh, jih dihte tjååhkoeh lij gaskoeh rahkan 25 jih 29 b:j 2002

Rääresjimmie moenehtsen jiehtege guktie sveerje raamekånvensjovnine barkeme dååhkasjehtin goevten 20 b:n 2003 jih dan männgan Sveerjen abpe tijen lihtsege dam åadtjoeji jih gaajhkh lihtsegestaati abpe tijen lihtsegh åadtjoejin dan bijre govledh byjjespaehperinie CM(2003)79, jih dan männgan Sveerjen reerenasse dam nånnoesti,

Sveerjen reerenasse altese tjaalegem buektiehtin rääresjimmie moenehtesen jiehteginie, dej tjaalemes tjilkemi gujmie gaajhkh lihtsegestaati deelegasjovnide vaadtme lissine snjaltjen 25 b:n 2003 byjjespaehperinie CM(2003)79,

Goh rääresjimmie moenehtsen jiehtegem jih sveerjen reerenassen tjaalemes jiehteginie goerehtamme,

Goh jeatja reerenassij jiehtegh aaj vaaltme,

¹Seamma aejkien goh resolujsjovnem (97) skiereden 10-17 b:j 1997 dååhkasjehtin, ministeremoenehtse dovne dah tjilkemh dååhkasjehtin: "Nånnoestimmie seamma goh tjilkemh 24,1 jih 25,2 raamekånvensjovnesne galkin vååjnoeh goh dååhksjehteme jis göökte golmebielie lihtsegistie tjilkeme-åålmegistie gielem vaadtme dan åvteste, jih dovne majoritete lihtsegistie mah ministeremoenehtsinie åadtjoen tjahkasjidh."

1. ministereraerie dah minngieraajesh vaalta guktie Sveerje raamekonvensjovnine barka:

- Sveerje dah minngemes jaepieh aalkeme laakesne naasjovne unnebelâhkoeh vaarjelidh jih tjirkeslaakan barkedh ektiebarkoem buektiedidh almeteji gaskoeh mektie daejnie barkosne Leah. Voestes säjjan dah vijhte tjielth noerhte Sveerjesne gusnie orre unnebelâhkoegielelaaken tsegksovveme.
- Jih aaj dovne tjoeverien krööhkestidh prinsipi bijre raamekânvensjovnesne. Guhkiem jov barkeme jijnjeste maadtoeguhtjelassiste guktie raamekânvensjovnem buektiehtidh dellie dah byjjes reeremh stööremes diedtem utnieh vaaksjodh jih tjomperinie barkedh. Vaenemes guhtjelassine guktie ööhpehtimmiem duedtedh naasjovne unnebelâhkoeh gieline, jih vaenieh diedte meedijasse aaj, vielie diedte daerpies almetjidie naasjovne unnebelâhkojne.
- öövre daerpies ektiebarkoem jaksedh juridigke barkosne laantereaktaj bijre daajvine gusnie saemieh maadtoste årrome, ulmine reaktoem jaksedh etnijen dâehkiej gaskemsh daajvesne jih aalkoealmetji kultuvrem jih aerpiem vaarjelidh,
- vihkeles aadtjege laakem bueriemdidh etnijen diskrimineringen bijre, åssjalommine guktie unnebelâhkoeh diskriminerh, joekoen romerh, v.g. barkosne jih guktie hööltestieh goerehtamme,
- sveerjen reeremh tjoeverin jâerkedh barkoem öövtiedidh ektesne rääresjidh guktie almetjh naasjovne unnebelâhkoste meatan årrodh nânnoestidh altese gutjelassine,

2. Ministereraerie Sveerjem rääresje sjiehteles kröökkestidh minngieraajesidie tjilkemisnie boelhkine 1 bijjelen, jih sjiere jiehtegidie rääresjemoenehtsen jiehtegisnie.

3. Ministeremoenehtse sveerjen reerenassese jeahta , seamma goh tjilkeminie (97) 10:

a. jâerkedh daaletje sopstesteminie rääresje moenehtsinie,

b. tjirkes-laakan rääresje moenehtesasse tjilkedh guktie barkeme jih mam dorjeme dej minngieraajesinie tjilkemisnie 1 jih 2 bijjelen.